



LE C R E D O

DES CATHOLIQVES, EN
suintte du PATER NOSTER.

Tous les Docteurs n'ont pas appris,
A bien sçauoir leurs patenostres,
Ny leur esprit n'a pas compris
Tout ce Symbole des Apostres.

QVOY croira-on encor? ceste secte heretique
Sortie des enfers pour venir en ces lieux,
Seduire l'innocence, & par fauce pratique
Se dire reformee, & qu'elle entend trop mieux.

C R E D O I N D E V M,

Ce n'est pas croire en Dieu, fauoriser le vice
Abatre la vertu, & par impieté,
Vouloir des saincts Autels rauir le sacrifice,
Vous ne cesseres point que n'ayez irrité.

P A T R E M O M N I P O T E N T E M

THE NEWBERRY
LIBRARY

A

Case

F

39

2

1326

161109

Ce n'est pas de IESVS les Peres qu'on offence
C'est bien voler plus haut, pour vouloir choir plus bas
De mespriser la foy joincte à nostre creance,
Et ne croire non plus, en vie qu'au trepas.

CREATOREM COELI ET TERRÆ,

Attaquer sans subiect la vie de nos Peres,
De vostre propre mal, les rendre malheureux,
Infecter tout vn peuple, ainsi que des viperes:
N'est ce pas guerroyer contre les bien-heureux,

ET IN IESVM CHRISTVM,

Les Edits du feu Roy ne sont plus en memoire,
Ont sonné le Toxin afin de faire peur,
S'ils croyent que cela leur donne de la gloire:
Ils auront quelque iour pour plus grande terreur.

FILIVM EIVS

Vous messieurs de la Cour, qui voyez la nature
De ces mauvais desseins, brassiez contre la foy,
Iugez les innocens, punissez l'imposture,
Et ainsi nous verrons fleurir nostre grand Roy.

VNICVM DOMINVM NOSTRVM,

Il est comme vn Soleil au milieu des planetes
 De son autorité il porte le flambeau,
 Faisant desia briller ses Royales bluettes,
 Ainsi qu'vn fils de Mars, ainsi qu'Hector nouveau

QVI CONCEPTVS EST DE SPIR. SA^{cto}.

Son esprit espandu desia parmi le monde,
 Fera de ses Valeurs vn renom glorieux:
 Car ses Vertus estant d'vne gloire feconde
 Il viura bien-heureux favorisé des cieux.

NATVS EX MARIA

L'Heretique fasché griefuement dans son ame,
 De voir Pere Coton pour son Predicateur,
 Voudroit bien qu'vn ministre associé de sa femme
 Peut tenir ce rang là, sans estre conducteur

VIRGINE

Mais toy qui le conduis en la Chrestienne voye,
 Tous les discours Anglois ne te facent de peur:
 Car syl qui du grand Roy, le chemin ne fouruoye
 Aura du vray Chrestien les marques de l'honneur.

PASSVS SUB PONTIO PILATO.

A ij

*Aye de ce grand Dieu tousiours la souuenance
Ainsi qu'il a souffert nous deuous tout souffrir
Il a payé pour nous le pris de nostre offence
Et puis sur vne croix il a voulu mourir.*

C R V C I F I X V S,

*Quand le moulin sans eau n'aura plus de farine,
Faites-en vn de bois, propre à vostre cerueau,
Si Luther le sçauoit, il produiroit sa mine,
Mais d'une obscure mort dans l'infernal tombeau.*

M O R T V V S E T S E P V L T V S E S T

*Pour maistre Iean Calvin sa miserable vie,
Il a desia long temps qu'il finit icy bas
Dont i'espere qu'aucun ne luy porte d'enuie,
La Parque ayant filé l'heure de son trespas*

D E S C E N D I T A D I N F E R O S

*Ayez doncques recours à la clarté diuine,
Vous verres de bien loin si vous auez la foy,
C'est celle que l'esprit de nos cœurs illumine,
N'auex vous point besoin d'un miracle pour loy*

T E R T I A D I E R E S V R R E X I T.

Si vous voulez encor par vos humbles prieres,
Acquerir le pardon de vostre iniquité
Fuyez l'impieté de ces sales beurieres
Vous serez garentis si l'avez merité.

A M O R T V I S,

Le Iuste sans subiet attaqué de malice,
Soit par vn huguenot, soit par vn enuieux,
Exposant aux corbeaux, son cœur en sacrifice,
Ayant rendu l'esprit en ces terrestres lieux.

A S C E N D I T A D C O E L O S

Belle estoille du monde admirable Marie,
Ne pleurez plus icy vostre Espoux glorieux
Il iouit maintenant d'une plus douce vie:
Car en quitant ce monde en la voute des cieux:

S E D E T A D D E X T E R A M

Puis donques que les cieux ont chery sa belle ame
Cherissez tout ainsi ces Peres innocens
Ils prieront pour vous & pour le Roy, Madame,
Ils sont aymez du ciel, & sont les vrais enfans,

D E I P A T R I S O M N I P O T E N T I S,

Faites que les desseins allumettes de guerre
 Qui raschent de troubler nostre tranquillité
 Soyent aussi bien cognus parmy toute la terre
 Comme ils seront és cieux de la diuinité

INDE VENTVRVS EST IVDICARE,

Vous Curez de Paris, & des faux-bours ensemble,
 Ioignez vos cœurs ça bas, pour les ioindre la haut
 Et pour vn peu de gain, qui vos cœurs desassemble
 Ne cessez de prier nostre Dieu comme il faut.

VIVOS ET MORTVOS.

Ainsi tous les Curez, la Sorbonne, & Iesuites,
 Ne faisant rien qu'vn corps, l'Eglise fleurira,
 Les bons & les mauuais, suyuront tous à leurs pistes
 Et i'espere qu'ainsi le schisme finira.

A M E N.

Le beurre de l'Anticoton,
 Le Toxin de la Remonstrance,
 Feront fleurir Pere Coton,
 Et tous les Iesuites en France.

O D E

QUEL gain pourroit auoir celuy
 Qui possedant vn cœur en vie;
 Voudroit neantmoins par enuie
 L'auoir tout mort avecque luy;
 C'est vn erreur pur trop inique
 Inuentee de l'heretique,
 Qui va le peuple seduifant,
 Par vne nouvelle imposture
 Du grand Roy l'affasin disant.
 Des Iesuites prendre nature,
 Doncques contre cest enuieux,
 Hypocrite & malicieux
 Anticothon plein d'ignorance,
 L'Estat ferme tousiours sera
 Tant que le cœur du Roy de France,
 A la Flesche reposera.

